



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Editha V. 16. Septembris.

urn:nbn:de:hbz:466:1-42032

misit, qui post longam cum malo luctam baculo
mediam partem tam sancti exercitus signavit.
Erat hoc rude emeritos donasse. Nam de morte
& ipsi moniti, cum quatuor dierum jejunio cor-
pus curassent, & sacris omnibus se armassent, ul-
timum pugnarunt, eodemque die, vultu (ut victo-
res scires) læto & præfulgido omnes cælum trium-
phantes ingressi sunt. Sed & RICHARDVS tunc
secutus est. Cur enim à triumpho Dux excluderetur?
Ex Grasio.

*Deputat Deus Virtutes Angelicas humana custodia,
& infelix homo relictus à puritate virtutum
squaloribus se polluit vitiorum: & Angelus, fati-
rem, ac inhonestam purulentie nauseam in virtute
lerat, etsi celestis imperii lege constructus obedi-
entiam non omittat.* S. Pet. Dam. l. 1. ep. 15.

S. EDITHA V. 16. Septembris.

Ferax olim Divorum tellus Anglia, quam
cheu! degenerasti, sponte tuâ ferebat fructus
olim, quos jam non nisi gladiis sulcata, & sangui-
ne rigata donas. Illos inter EDITHA numeratur
Edgati Regis filia & Christi sponsa, cui amores
suos primis annis devovit, paranympnos novo
more leprosos diligens, quos, quò deformiores
aspectu erant, hoc formosiores & digniores se pu-
tabat; ut jam cælo id muneri ambiente, non du-
bitaret Angelus pauperem præ se ferre. Postò in
deliciis EDITHÆ Crux fuit, quam cum pingere vo-
lens manu Dunstanus Antistes vidisset, pollicem
prehendens nunquam tabo obnoxium esse jussit.
Id quod postea factum vidit Anglia, cum à morte
(quæ ut suavis esset, cantu suo Angeli fecerunt)
trigesimo die matris, tum anno tertio decimo
Dun-

Dunstano spectandam se dedit, monuitque corpusculum tollerere integrum tunc etiam, si membra quibus in mollietate ad levitatem abusa esset, exciperet. Itum & inspectum monumentum est, fidemque fecerunt præter oculos, pedes & manus, omnia reliqua à tabo immunia membra. Sed & in dextrâ pollex à putredine fuit eximius. Quid quod cum miraculum Canutus Rex rideret, reserato iterum loco media sepulchro se extulit, manumque injicere improbo paravit? Supplicem tamen & in gratiam recepit, & inter undas postea servavit. Magni hæc olim Anglia miracula faciebat, plura ego Angliam, si in vitam nobis EDITAS revocaret. *Ex Graf.*

A tuâ dignitate nimis enormiter & ignominiosè te dejicis, si transitorias & inanes pulchritudines appetis. Mundus propter te factus est, ideo mundum non ames. quia Mundus non est te dignus, tum sis eo longè dignior. S. Bern. opusc. de Char. 29.

S. LAMBERTVS EP. M. 17. Septembris.

LAMBERTVM Trajectensi mitrâ ornatum Theodoricus Rex in exilium expulit. Ille cum in Monasterium Stabulense se recepisset, tum denique in patriâ sibi visus est vivere, exilium omnium miserrimum maximumque mundum ratus. Obsequio sancto fasces suos ita submitit, ut Abbatis imperio, sævissimâ hieme, sub cruce preceando noctem transegerit, unico contra frigiditatem cilicio armatus: sed hoc scilicet diviti in pectore ignes propulsarunt, quos in reditibus vultu splendor insolens prodidit. Septimo abhinc anno cum Pipinus Rex Trajectensibus Pontificem suum, Pontifici solium suum reddidisset, his tum gra-